

УҚУВЧИЛАР,
УҚИТУВЧИЛАР,
МЕНЕЖЕРЛАР,
БРОКЕРЛАР,
БИРЖА
РАЎБАРЛАРИ,
УЮШМАЛАР
ПРЕЗИДЕНТЛАРИ —

барча-
барчанинг
диққатига!
Агар
Сиз
реклама
масаласида
қийинчиликка
дуч келсангиз,
озгина
маблағ
сарфлаб,
маҳсулотингиз
рекламаси
кўпроқ
нусада
етиб
боришини
истасангиз,

«ТОНГ ЮЛДУЗИ»
СИЗГА
ЕРДАМГА
ТАЙЕР!

«Тонг юлдузи»
Республикамиз,
Тожикистон,
Қирғизистон,
Қозоғистон
ва Туркменистон
Республикаларидан
346.700
обуначига
эга.
Бу дегани —
— СИЗНИНГ
РЕКЛАМАНГИЗ

завод,
фабрика
директоридан
тортиб,
давлат
раҳбаригача
бўлган
346.700 КИШИ
хонадонига
кириб
боради.

3 • БЕТГА
ҚАРАНГ

К УЛИНГИЗДАГИ ГА-
ЗЕТА 1961 йилнинг 4
июлидан бошлаб, мутта-
сил икки рангда нашр эти-
лаётган эди. Уч йил олдин
эса биз сизга ҳатто ички
саҳифалари қора тасвирдаги га-

ГАЗЕТАНГИЗ

зетани етказиб бераётгани-
миздан бироз ҳижолатга туш-
ган эдик. Негаки, газетамиз
обуначиларининг сони кўпли-
ги боис юз минглаб сўм фой-
да кўрар, бироқ сизларга ри-
вожланган мамлакатларда паст
нав саналган қоғоз орқали бор-
йўғи икки рангда «гоявий-эс-
тетик таъсир» ўтказилар эди.
Бу қандайдир фирромликка
ўхшаб муҳарриратни ўйланти-
рар, бирор бир чорасини
излар эдик. Шу сабаб уч йил
бурун болалар газетасини
(«Ленин учқуни») юзминглаб
фойда кўраётган газета сифа-
тида кўпранглиликка ўтказиш,
сифатли қоғозда нашр этиш
таклифи билан чиқдик. Бу так-
лиф республика комсомоли то-
монидан қўллаб-қувватланди.
Бироқ... фойда кўраётганлар
ўша пайтда мўмай даромаддан
воз кечишни ёқтиришмасди.
Асосийси — «ичидаги мазмун»
дерди улар. Мазмун эса
уларнинг йўриғига ҳамоҳанг
эди.

Мана ҳозир қўлингизда фа-
қат қора рангдаги рўзнома.
Бундан буён ҳам шундай бў-
либ қолиши кутилмоқда. Бои-
си сизнинг мўрғак газетангиз

Узбекистон Республикаси
20 ЯНВ 1992

ТАНГ ЮЛДУЗИ

ЎЗБЕКИСТОН
БОЛАЛАРИ ВА
УСМИРЛАРИНИНГ
РЎЗНОМАСИ

ТОНГ ЮЛДУЗИ

БАТАН, ДУСТЛИК, ЭЗГУЛИК ВА АДОЛАТ УЧУНИ

№ 6

(6478).
1992 ЙИЛ,
25 ЯНВАРЬ
ШАНБА.
Баҳоси
5 тийин.

РЎЗНОМА 1929 ЙИЛ, 1 АВГУСТДАН «ЛЕНИН УЧҚУНИ» НОМИ БИЛАН ЧИҚА БОШЛАГАН.

КУЙ СЕҲРИ

Сирдарё вилояти, Сир-
дарё туманидаги мусиқа
мактаби 1961 йилда таш-
кил этилганди. Кекса
даргоҳ шу кунга қадар
вилоят, туман мактаб-
лари учун мусиқашунос му-
аллимлар тайёрлашда
ўзининг катта улушини
қўшди. 1984 йилда янги
бинога кўчиб ўтган мак-
табда бугунги кунда 261
нафар ўқувчи доира, гиж-
жак, рубоб, флейта каби
чолғу асбобларини чалиш
сирларини ўрганишмоқда.
Бугунги кунда таълим
бераётган ўқитувчилар-
нинг жуда кўпчилиги ав-
вал шу мактабда таҳсил
олган ўқувчилардир.

СУРАТЛАРДА: доира
бўлими ўқитувчиси Ақром
Шодиев 1-синф ўқувчиси
А. Абдуллажоновга дои-
ра чалиш сирларини
тушунтирмоқда.

Дутор бўлими ўқитув-
чиси Бахтиёр Аҳмедов
11-синф ўқувчиси Саодат
Амилхонова билан маш-
гулот ўтказмоқда.

А. КҲЧИЕВ олган сурат

● Бу йил Саудия Арабистони Ўз-
бекистонга 800 минг тонна бугдой
бериши ҳақида келишиб олинди. Бу
ҳақда Ўзбекистон Республикаси Пре-
зиденти Ислам Каримов яқинда ма-
ҳаллий ва чет эл журналистлари би-
лан бўлган пресс-конференцияда ай-
тиб ўтди.

● Афғонистон Президенти Нажи-
булло ўзининг собиқ иттифокдоши
ҳақидаги фикрини билдирди. Икки
йил олдин Афғонистондан совет қў-
шинларининг олиб чиқиб кетилиши
ҳақида гапириб, «душман қўшинла-
ри Ватанимизни ташлаб чиқиб ке-
тишди» деди.

● Фақат 1991 йилнинг ўзида Рос-

сиянинг автомобиль йўлларида 37
минг киши нобуд бўлди. Уларнинг
ҳар ўнтасидан бири — болалар.
Бу кўрсаткични камайтириш авто-
мобиль йўллари назоратчилари учун
қийин кечмоқда. Аксинча, у кундан-
кун кўтарилиб борапти. Йўл ҳало-
катларида Европа мамлакатларида
ҳар юз кишидан 2—3 нафари ҳалок
бўлса, Россияда бу кўрсаткич 14 га
етади. Йўл ҳаракати назоратчилари
бунинг асосий сабаби йўллардаги
алоқа хизматининг яхши эмаслиги,
тиббий ёрдамнинг кўнгилдагидай кўр-
сатилмаслиги, ҳалокатга учраганлар-
га ўз вақтида ёрдам берилмаслиги-
дан, деб айтишмоқда.

ҚИСКА САТРЛАРДА



ҳам совет монополиясининг
чиркин қолдиқларига дуч кел-
ди. Улар қўйган шартни кў-
таролмади. Бу монополия ни-
ма?

Латифа қилишларича, шоҳ
ва Хўжа Насриддин саҳрода
оч ҳолатда бир неча кун қо-
либ кетади. Бир кун улар
бир қоп нон ва бир қоп ол-
тинга дуч келишади. Шоҳ ол-
тинни, Насриддин эса нонни

«зарарли» газеталар сафига
тушиб қолди. Сиз, обуначи-
лардан тушган маблағ ҳи-
собиға уни ярим йилгина чи-
қариш мумкинлиги аниқ бўл-
ди. Ундан кейин-чи, сиздан
узр сўраб, биз иш қидирмо-
ғимиз керакми? Бизга иш-ку
топилади, аммо сизга етказил-
ган маънавий ва моддий зар-
арни ким тўлайди? Шу боис
биз газетда «ортиқча» деб
билганларимиздан воз кеч-
моқдамиз. Ҳар ҳолда ранг
масаласида шундай қилдик.
Бироқ буларнинг барчаси ҳам

ки, бунда ишбилармонлиги-
миз, металл ва қоғоз чи-
қиндилари тўплаш, «Данак»
каби операциялардан тушган
маблағ ҳам асқотади.

Дарвоқе, сизнинг «Данак»
операцияси, металл-лом йи-
ғишда иштирок этишингизни
уоштиришда «Тонг юлдузи»
(«Ленин учқуни»)нинг хизма-
ти бекиёс эди. Биз миннат
қилмаймиз, балки ушбу иш-
лардан фойда кўраётган таш-
килотлар (ҚЎҚОН ЕҒ-МОЙ
КОМБИНАТИ, «ВТОРСЫРЬЕ») -
нинг ёрдамга келишига ишо-
намыз. Ахир, айтишади-ку дўст
ёмон кунда билинади, деб.

Бошқа мамлакатларда бола-
лар газеталарининг аҳоли
қалай экан, деган савол ту-

да Б. Ельцин давлат бюдже-
тидан таъминлаш ҳақида фар-
мон берди.

Газетанинг бугунги кунда ўз
аҳолини баён этиб, кимдан-
дир ёрдам сўраши, баъзи би-
ровларнинг ғашини, яна ким-
нингдир кулгусини қисташи,
ҳатто кимдир «тиланчилик
қилгунча ишлаш керак» дейи-
ши мумкин. Афсуски, ҳозир
газетачиликда ишлашнинг ян-
ги усули (бутун дунёда шун-
дай) ўз ҳукмини ўтказмоқда.
Яъни, кам обуначи тўплаб,
рекламага зўр бериш, қони
фойда бўлиб қолди. Бироқ,
болалар газетасидан рекла-
мага кенг ўрин бериш билан
асосий мақсадга эришиш
мумкинми? У кимга фойда?
Болаларгами? Аммо биз давр
тақозосидан келиб чиқиб баъ-
зида шундай қилишга маж-
бурмиз. Буларнинг ҳаммаси
вақтинчалик тадбирлар, албат-
та. Чунки биз соғлом ақл га-
лаба қилишига, Президенти-
миз, жумҳуриятимиз Олий
Кенгаши, халқ депутатлари
Сиз, 346. 700 кишидан иборат
муштарийларни газетасиз қол-
дирмасликларига ишона-
миз. Ранг масаласига келсак,
бу ҳам бизнингча вақтинча-
лик бўлса керак. Ҳар ҳолда
биз шундай умиддамиз.

НЕГА

олади. Ва нонни бир ўзи еб,
шоҳга бермайди. Қорни оч-
ган шоҳ нон сотиб олиш илин-
жида:

— Афандим, келинг, бозор,
бозор ўйнаймиз. Сиз нон со-
тасиз, мен сотиб оламан, —
дейди.

— Марҳамат, олинг, — дей-
ди Насриддин, — фақат бир
донасини бир қоп олтинга со-
таман.

— Нега бунча қиммат, ахир
бундай бўлиши мумкин эмас-
ку, — ғазабланади шоҳ.

— Бозорни кўринг, арзони
бўлса ога қолинг, — жавоб
қилади Насриддин.

Монополия дегани Насрид-
диннинг ўзгинаси, бошқа ҳеч
кимда йўқлигини билиб моли-
ни истаган нархда сотади. Бу-
гунги кунда Россия қоғоз ва
бўёқ монополистлари маҳсу-
лотлари нархини ўнлаб маро-
таба оширди. Натижада сиз-
нинг юз минг сўмлаб фойда
кўриб юрган «Ленин учқуни»-
гиз «Тонг юлдузи» бўлгач,

ҚОРА

бизни оғир иқтисодий
қийинчиликлардан ҳоли
этолмайди. Шу боис
биз сизнинг ёрдамингиз-
га таянамиз ва уни кутамиз.
Сизлар ўз севимли газетан-
гиз билан бирга бўлиб,
уни қўллаб-қувватлашларингиз-
га ишонамиз. Шу сабаб ҳам га-
зетамиз ўз шахсий ҳисобини
очиб, унда зарарни қоплаш
учун пул йиғишга киришди.
Бу ишда сиз ҳам иштирок
этиб, «Тонг юлдузи»ни «қут-
қариш»га (муносиброқ сўз
тополмадик) ўз ҳиссангизни
қўшасиз деган умиддамиз. Би-
ламиниз, ҳозир сиз, муштарий-
лар ҳам иқтисодий қийинчи-
ликларни бошдан кечирмоқ-
дасизлар. Ойлангиз, ўзингиз-
даги ҳар бир тийинингиз ҳи-
соби. Бироқ бир ёқадан бош
чиқариб, газетамизни сақлаб
қолишимиз керак. Уйлаймиз-

РАНГДА?

ғилиши табиий. Чўзмасдан,
лўнда қилиб айтсак, бизники-
дан яхши. Америка ва бошқа
барча ривожланган мамла-
катларда болалар нашрлари
давлат қарамоғида. Болтик-
бўйи жумҳуриятларида бола-
лар нашрларини Маданият
вазирлиги таминласа, Россия-

Бизнинг ҳисоб рақамимиз:
ЎЗБЕКИСТОН САНОАТ-ҚУРИЛИШИ БАНКИНИНГ
ТОШКЕНТ ШАҲАР БУЛИМИ. ҲИСОБ РАҚАМИ:
000363805, КОД 172682328 КОРР. СЧЕТ 300166428.
АЛОҚА УЧУН ТЕЛЕФОНЛАР: 33-44-25, 33-49-45,
32-58-16.

Ҳисоб рақамимизга пул ўтказган барча ўқувчилар, ота-
оналар ва корхоналар жамоаларига олдиндан миннатдорчи-
лик билдириб, улар ҳақида газетамизда маълумот бериб
боришимизни эслатиб қўймоқчимиз.

ИШОНЧ



КЕКСАЛАР ХУРСАНД

Ўқув йили бошида болаларнинг «Меҳр-шафқат» уюшмаси тузалиши, деганига кўччилик қўшилган эди. «Яна ҳаммаси номига, нима кераги бор?» дейишганди ўшанда. Аммо, иккинчи чорак якуни арафасидаги йиғилишда улар бекорга иккиланишгани маълум бўлди. Бойси, 16 нафар ўқувчидан иборат «Меҳр-шафқат» уюшмаси Улуғ Ватан уруши қатнашчиси Турғунбой ака Бойназаров, II тоифа ногирони Абдуллажон ака Эгамбердиев, жамоамиз фаоллари Абдулла тоға, Турсуной хола, Ҳожал мома Сулаймонова каби кексаларга турли ишларда кўмаклашиб, амалий ёрдам кўрсатишган эди. Ҳовли жойларини супириб-сидиришда, ўтинларини ёриб беришда кўмакдош болалардан маҳалла аҳли мамнун.

З. АБДУРАҲИМОВА,
Андижон вилояти, Асака туманидаги 12-мактаб ўқувчиси.

Тика оламир

Сурайёнинг онаси кўйлагини дазмоллайман, деб кўринарли жойини куйдириб олибди. Бу кўйлакни онаси жуда хуш кўрарди, Сурайё ҳам ачиниб кетди. Ўзича нима қилишни чамалаб кўрди. Ҳамма ўз ишлари билан банд пайтда ўша кўйлакнинг қийқимларидан топиб, битта гулини чиройли қилиб кесиб олди. Кейин мактабларидаги «Моҳир қўллар» тўғарагининг раҳбари Мусаллам опа Бозорова ўргатганларидек уни куйган жойга ўрнатиб, тикиб қўйди.

Мусаллам опанинг раҳбарлигида тўғарақда тикишдан ташқари, кийим бичиш, кашта тикиш, тўқишни ҳам ўрганиб олди, — дейди Сурайё Ниёзова. — Ҳозир ўзимиз истаган нарсани тика оламир.

Н. РАҲМОНОВА,
Қашқадарё вилояти, Косон туманидаги 8-мактаб ўқувчиси.

ЎТМИШНИ ЎРГАНМАЙ, КЕЛАЖАККА ИНТИЛМА

Тарих ва жамиятшунослик ўқитувчимиз шу сўзларни кўп такрорлайдилар. Шу сабаб йиғиб қўйган материалларимиз етарли бўлгач, мактабимизда тарих музейи очдик. Музейимиз уч қадимги буюмлар, миллий зебу-зийнатлар ва Улуғ Ватан урушига тааллуқли бўлимдан иборат.

Музейга узоқ вақт давомида йиғилган анжомлар, буюмлар жойлаштирилди. Улуғ Ватан урушига тааллуқли бўлимдан мактабимиз «Қизил изтопарлар»и олиб борган ишлар натижалари — турли ҳужжатлар, расмлар, уруш қатнашчиларининг буюмлари ўрин олган. Тенгдошларимиз музейни қизиқиш билан кўриб боришпти.

Х. МИРЗАҚУЛОВ,
Бекобод туманидаги 25-мактаб ўқувчиси.



Норбобо ака Бердиев Қашқадарё вилояти, Мирқоқи қишлоғидаги 8-мактабда 20 йилдан буён ботаника фанидан сабоқ бериб келмоқда. Мактаб ҳовлисидаги боғча дарс ўтиш учун энг қулай жой бўлса-да, Норбобо ака ҳар бир дарсини кўргазмалли қуроллар асосида қизиқарли ўтишига интилади.

СУРАТДА: Н. Бердиев ўқувчилари билан.
А. ЧАПЛИГИНА сурати.

Қишлоқда яшовчи катта-кичикнинг кўзи ўрганган одатдаги сомон уй. Пол, деворлари лойдан. Оёқ ости бироз бўлса-да иссиқ бўлиши учун ерга похол тўшалган. Шундай бўлса ҳам хона совуқ. Чунки уни ўртага қурилган сандалдан бошқа нарсаси йўқ.

Сандал нимадигани қишлоқ болаларининг ҳаммаси билади. Кўчадан совқотиб келганида, унинг ичига оёғини тикасан-у жонинг киради. Вужудингга сандал ҳароратидан иссиқлик ўтиб боради. Бунинг гаштини фақат бир бор сандалдан исинган кишигина тушунади. Авваллари сандалнинг ичидан галати хид — куйган кўмирнинг иси келарди.

Энди замонавийлашиб сандалга кўмир эмас, электр плита кўмишадиган бўлишди. Шундай бўлса ҳам унинг бори яхши. Чунки иссиқлик олиш мумкин бўлган шу биргина хонада оила яшайди — ухлайди, овқатланади, ҳаёт кечиради.

Ҳозир эса Рашида ҳали жуда гўдаклигида — 7 ойлигида юз берди. Совуқ кечаларнинг бирида ухлаб ётганида сандалга тушиб кетди... Қаттиқ куйиш натижасида унинг икки оёғини пастидан кесиб ташлашди...



РАШИДА

Ҳали дардлар унутилмасдан ҳаёт яна қақшатқич зарба берди: етти ёшида онаси қаза қилди. Опалари турмушга чиқиб кетишди. Уй ишларининг ҳаммасини Рашида ўз бўйига олди. Тиззалаб юриб, овқат пиширар, идишларни ювар, ишга кета туриб опалари ташлаб кетган жиянларига қараб ўтирар эди.

Инсон барча қийинчиликларга чидар экан. Тақдирга тан бермаган қизча ўқиб билим ола бошлади. Қишлоқ мактабининг мурувватли ўқитувчилари ҳафтада беш соат дарс ўтишди унга. Ўн ёшдан бошлаб ўқиб бошлаган бўлса ҳам яхши ўзлаштириб кетди. Тақдир қаттиқ зуғум қилган бу қиз эса адабиёт, математикадан ташқари яна бирон амалий ишга кўникма ҳосил қилиши, бу иш унинг келажакда ўзини ўзи таъминлаши учун жуда зарур эди.

Ўқитувчилар яна ёрдамга келишди. Яқиндан бошлаб расм муаллимаси, мутахассис расм Альфия Ахноровна Салахутдинова Рашидага белбоғга нақш тикиш санъати сирларини ўргатмоқда.

Ҳаммаси яхши, кўнгилдагидек. Аммо... Иқтисодий танг аҳвол мактабларини ҳам баъзи ошиқча сарф-харажатлардан чеклаб қўйди. Мактаб Рашида учун на мато, на ип ажрата олади. Ўқитувчининг ҳам доим бундай харажатга имкони кам. Бунинг устига Рашида жумҳуриятдаги бошқа баъзи ногирон болалар қаторида давлатдан ҳеч қандай моддий кўмак олмайди. Отасининг озгина маоши ва яқиндан бошлаб берилган бошланган болалар нафақаси нархлар ошгандан буён, озиқ-овқатга ҳам базур етади.

— Дўстларим кўп бўлишини истайман, холос. — дейди у.

Рашиданинг кейинги ҳаёти ҳақида бир нима дейиш қийин. Аммо умри унинг дўстлари, яхши кўмакчилари орасида ўтишини, қувончли кунлари кўпайишини жуда истар эдим.

Аклима ИВАНЕЦ,
Наманган вилояти, Чортоқ тумани,
Гулшан қишлоғи.

ҚИСКА САТРАЛДАР

● Гулистон шаҳридаги 5-мактабнинг янги биноси иш бошлаганига ярим йил бўлгани йўқ. Уч қаватли, хоналарда сув кранлари бор бўлган, лифтафон кабинетларига эга бўлган, бир сўз билан айтганда шаҳарнинг типовой мактаблари «арзандаси»дир. Унда ўқиётган болалар ҳамма қулайликларга эга. Бир томондан мактаб ҳам катта қувончга сазовор бўлган. Сабаби, мактаб бир сменали бўлиб, соат 2 дан кейин фақат кунни узайтирилган группа болаларини учратиш мумкин.

● Тошкентдаги «Юбилейний» спорт саройида рухшунос Рашид Ҳусайновнинг психотерапия маърузалари бўлиб ўтди. Даволов тадбирига оқиб келувчилар жуда кўп эди.

Шу атрофда Аъзам ҳам икки ўртоғи билан чипта сотиб юрганини учратдик. Ўртоқларининг исмини, мактабларини аниқлашни имконияти бўлмади, албатта. Билишимизча, уч оғанини иқтисодий танглик таъсирида чипта олиб сотишга мажбур бўлганлар. Лекин, давлат нархидаги 10 сўмлик чипта «ёш савдогарлар»нинг қўлида 8 сўм, ҳатто 6 сўмгача турар экан. Қизиқ, олиб-сотарлар чиптани давлат нархидан паст нархда сотишса-я...



— Имом ака, Сиз оддий ишчи сифатида Халқ депутати деган юксак ишончга сазовор бўлган кишисиз. Бу албатта ҳар кимга насиб қилавермайди. Баъзи бировлар буни омад деса, бошқалар меҳнат дейди. Сизнингча қандай?

— Мен 1950 йилда «Арабон» қишлоғида туғилганман. Оилада 7 нафар фарзандимиз. Шундан уч нафари қиз. Отам раҳматли Ғани Файзи ўғли, волидаю мухтарамам Гулсум билан аравақашлик қилиб бизни боққанлар. Падарибузрукворим босиб ўтган ҳаёт йўли мен учун, оиламизнинг барча фарзандлари учун ибратдир. Мен меҳнаткаш инсоннинг фарзанди бўлганимдан фахрланаман.

19 йилдан буён бир корхонада оддий ҳайдовчи бўлиб, баҳоли қудрат ишлаб келяпман. Қачонлардир, касб-кор ўргатган шогирдларимни ўзим билан ёнма-ён ишлайётганини кўриб, қалбим қувончга тўлиб кетади. Шундай пайтларда касбимдан хурсанд бўлиб кетаман.


83 фоиз овоз олиб, Ўзбекистон халқ депутатлигига сайландим. Юксак ишонч учун халқимдан бир умр қарздорман.

Энди саволингизнинг иккинчи қисмига келсак, омад деган нарсаям эҳтимол дунёда бордир, бироқ муваффақиятнинг 83 фоизи меҳнат бўлса керак.

— Имом ака, ҳам депутат, ҳам ота ўрнида фарзандларингиз тарбиясидан мамнунмисиз?

Олти нафар фарзандим бор. Тўрт нафари ўғил, икки нафари қиз. Тўнгичим Бахтиёр хизмат бурчини ўтапти.

Ўзбекистон халқ депутати,
Олий Кенгаш ҳузуридаги
«Транспорт йўл ва алоқа қўмитаси» аъзоси, Пешку туманидаги 4-автоколонна ҳайдовчиси
Имом ФАЙЗИЕВ билан суҳбат.



Ўзимиз Муҳаббат тикувчилик цехида ишлайди. Қолганлари эса ҳали ёш, ўзим таълим олган Ибн Сино номли мактабда ўқишади. Турмуш ўртоғим Мукаррамхон билан 20 йилдан буён тинч-тотув яшаб, турмуш ачиқ-чучугини бирга тортиб келдик. Худога минг марта шукурки, сиз оғзимиз ҳеч сенга бормаган. Рўзгорнинг ширинига ҳам, аччиғига ҳам қаноат қилиб, яшаб келаяпмиз. Болаларимизни ҳам бировдан кам қилиб қўйганимиз йўқ. Энг муҳими, ҳозиргача фарзандларимиз тарбиясидан бир киши шикоят қилгани йўқ. Умр йўлдошим Мукаррамхон «Ўзбекистон» жамоа ҳўжалигидаги «Навбаҳор» болалар боғчасида ишлайди. Тан олиб айтаманки, мен ҳар сонияда унинг маддини сезиб тураман. Хусусан, депутатлик юмушлари билан узоқ сафарларга, сессияларга кетганимда бу нарсаяққолроқ сезилади менга.

— Имом ака, ҳаракат дастурингизда медицина, ёш авлод тарбияси, оналик ва болаликни муҳофаза этишга кенг ўрин берилган. Бунинг боисини тушунтириб берсангиз?

— Жуда ўринли савол бердингиз. Ҳозирги «ит эгасини танимайдиган» замонда ўз соғлигимиз, фарзандларимиз тақдири ҳақида халқ депутатлари қайғурмаса ким қайғуради ахир? Шу боис ҳам касалхона, мактаб, маориф, шу каби социал масалалар депутатлик ваколатига эга бўлган кунимдан бошлаб энг муҳим, долзарб юмушларимдан саналган. Фарзандларимиз мустақил Ўзбекистоннинг келажакги эканлигини асло унутмаслигимиз лозим. Уларни зиёли, маърифатли бўлиб ўсиши учун бор имкониятни яратиб бериш катта-кичик учун ҳам фарз, ҳам қарзидир. Мана, бу рақамларга эътибор беринг. Шу кеча-кундузда ноҳиямизда 34 та мактаб бор. Уларда меҳнатқашларимизнинг 17 минг 200 нафардан ортиқ ўғил-қизи таълим-тарбия олади. Афсуски, С. Раҳимов, А. Икромов, Бобур, Калинин, К. Маркс номли мактаблар авария ҳолатида, мутлақо ҳозирги талабга жавоб бермайди. Шуларни билган ҳолда болаларимиз келажакка бефарқ қараб бўлади-ми? Йўқ, албатта. Худди шундай фикрни касалхоналар ҳақида ҳам айтиш мумкин. Шу боис ҳам ҳаракат дастури-мизга бу соҳаларда кенг ўрин бердим.

— Ўтган даврлар ичида қандай нақазларни амалга оширддингиз?

— Қилаётган ишларим тўғрисида гапиришни ёқтирмайман. 15 мингга яқин сайловчим бор. Менинг ишларим ўзимдан кўра шуларга аён. Лекин Сиз сўраган экансиз, маориф соҳасига тааллуқли бўлган ишлардан гапириб бераман (Иш қилмабди деб ўйламаслигингиз учун).

Ҳар бири 45 минг сўм турадиган 8 комплект компьютерни туманимиздаги 8 мактабга олишларида ёрдам бердим. Туман марказидаги ўқувчилар уйига битта автобус олиб бердим. Э. Тельман номли мактабга давлат ҳисобидан 3 миллион 200 минг сўмлик қурилиш ишлари амалга оширилишига ёрдам бердим. Булар маориф билан боғлиқлари, холос. Омон бўлсак ҳали ниятлар, нақазлар кўп.

Суҳбатдош **Р. АСЛОНОВ.**

ҚИСКА САТРЛАРДА

● Москва вилоятидаги шаҳарчаларнинг кўпчилигида ўқувчиларга уй вазифалари ва мустақил ишларни оддий қалам билан ёзишга рухсат берилди. Ручка сўғхларини эҳтиёт қилиш учун амалга оширилган бу иш ҳам узоққа чўзилмаса керак. Сабаби яқин кунларда хом ашё етмаслиги натижасида қалам заводлари ҳам тўхташ арафасида. Мана энди мактабларда «энг тоза парта» мурсобақаларини ўтказса бўлади.

● Давр қийинчилиги туфайли кўпгина хонадонларда қурол-яроғ сақлаш одатий ҳолга айланмоқда. Аммо уларни болалардан узоқроқ бекитиш кераклигини ота-оналар яхши билсалар ҳам мамлакат бўйлаб бир қанча фожиалар юз бермоқда. Архангельскдаги хонадонлардан бирига шунчаки кўнгличиш учун йирилган ўн икки ёшли болакайлар уй эгасининг милтигини олиб «овга чиқишибди». Уй балконида отилган учта ўқ ҳеч кимга зарар етказмаган бўлса ҳам, тўртинчиси бекатда онаси билан автобус пойлаб турган уч ёшли болакайни қулатди. Унинг ҳаётини врачлар сақлаб қолишга олмади.

● Иқтисодий қийинчилик нафақат мактаб ўқувчиларини, балки бочка болаларини ҳам ўғрилиқ, талончиликка ўргатмоқда. Саратов вилоятидаги Балаково шаҳри бочка тарбияланувчиларидан бири гуруҳдошини бурчакка сиқиб, кийимини ечиб олаётганда тарбиячи опа ёрдамга келди. «Унинг кийими меникидан яхши экан», деб ўз қилмишини тушунтирди беш ёшлик зўравон.



Кўпгина йирик олиму педагоглар болалар ўйинини ҳаётга тайёргарлик деб эътироф этадилар. Чунки, де-йишади улар, бу «ўйинқароқ даври»да ақли тўлишади, эркин фикрлай олади, атроф-муҳитни тушуна бошлайди. Бу вақтда имкон қадар уларни эркин қўйиш керак. Албатта, уларнинг ўйингоҳи назорат остида бўлмоғи керак.

Ахлат уюмлари ўртасида ўйнаб юрган бу болаларни кўриб, ҳафа бўлади киши.

БИЗНИНГ ИМКОНИЯТ: ТЕЗ ВА СОЗ!

ҲАММАНИНГ ДИҚҚАТИГА!

«Тонг юлдузи» рўзномасида «РЕКЛАМА ВА ЭЪЛОНЛАР» бурчаги очилди. Бу сизга — зарур хабар ва воқеаларни, таклиф ва табрикларингизни, яхши ишларингизни ЭЪЛОН ҚИЛИШНИ, бунинг билан кўпчиликни ўзингизга ЖАЛБ ЭТИШ, ишингизга ҲАМКОР ТОПИШ имкониятини беради. Демак, рўзномамиз сизга янада зарурроқ, фойдалироқ бўлади.

Буюртмангизнинг ТЕЗ ВА СОЗ, АЪЛО бажарилишига кафолат берамиз. Хўш, рўзномамиз саҳифаларида нималарни эълон қилишингиз, кимларни табриклашингиз ва яна қандай ишларни амалга оширишингиз мумкин.

ТАШКИЛОТ, МУАССАСА, КООПЕРАТИВ, БОЛАЛАР ВА ЎСМИРЛАР БИЛАН БОҒЛИҚ БЎЛГАН БАРЧА ЖАМОАЛАР ДИҚҚАТИГА!

— Сизнинг зарур хабар, реклама, эълонларингизни бир вақтнинг ўзida миллион ўқувчига етказишда аъло даражада хизмат қилади. «Тонг юлдузи» сизнинг буюртмангизни сифатли, мазмунли қилиб ёритишга кафилик беради.

БОЛАЛАР БАДИИ ҲАВАСКОРЛИК ДАСТАСИ ТўГАРАКЛАРИ РАХВАРЛАРИ ДИҚҚАТИГА!

— Хабар бering: қаерда, қачон, нима муносабат билан

концерт намойиш этмоқчисиз? Рўзномамиз орқали концертга минглаб томошабин болаларни таклиф этишингиз мумкин.

ЎҚУВ ЮРТЛАРИ РАХВАРЛАРИ ДИҚҚАТИГА!

— Қайси соҳа бўйича мутахассис тайёрламоқчисизлар, қандай ҳужжатлар лозим, қайси кунлари қабул қиласизлар? Шулар ҳақда бизга хабар бering. Сизларнинг бўлғуси талабаларингиз бизнинг бутунги ўқувчиларимиз. Биз уларга сизлар ҳақингизда хабар берамиз.

ЎҚУВЧИЛАР САРОИЛАРИ ВА УЙЛАРИ, МУСИҚА МАКТАВЛАРИ, САНЪАТ МАРКАЗИ, СПОРТ

СЕКЦИЯЛАРИ, СОҒЛОМЛАШТИРИШ ОРОМГОҲЛАРИ ДИРЕКТОРЛАРИ ДИҚҚАТИГА!

— Сизлар ташкил этаётган, амалга ошираётган ва шуғулланаётган ишларингиз ҳақида рўзномада кенг ўрин берилади.

ЎҒИРЧОҚ, КИНО ТЕАТРЛАРИ, ЕШ ТОМОШАБИНАР ТЕАТРИ РАХВАРЛАРИ ДИҚҚАТИГА!

— Йил бўйи сизларнинг репертуарларингиздан азиз

Турли буюртма ва саволлар билан «Тонг юлдузи» рўзномасининг 33-49-45 ёки 33-44-25 телефонига қўнғироқ қилинг.

МАНЗИЛГОҲИМИЗ: Тошкент шаҳри, Ленинград кўчаси, 32-уй, 714-хона.

Бошқа вилоятлардаги буюртмачилар телефон, телеграмма ёки хат орқали бизни огоҳ қилишлари мумкин.

Буюртмаларни эълон қилиш қиймати келишилган нархда бўлади.

ҲИСОБ РАҚАМИМИЗ:

ЎЗБЕКИСТОН САНОАТ-ҚУРИЛИШ БАНКИНИНГ ТОШКЕНТ ШАҲАР БЎЛИМИ. ҲИСОБ РАҚАМИ: 000363805, КОД 172682328, КОРР. СЧЕТ: 300166428.

«ТЮ» ТИЖОРАТ ДИРЕКЦИЯСИ.



либ тамаки баргларида организмга ўтади?

Чекиш — юқори температура таъсирида тамаки (ва қороз)нинг қуруқ термик ҳайдалишидир, бунда ёниб турган папироснинг учи ёки трубкадаги температура 300° га етади. Ичга тортиладиган тамаки баргларида никотинни ҳайдаб чиқаради. У сувда тез эрийди, шунинг учун оғиз, бурун бронхларини шиллиқ пардаси орқали сўла билан бирга меъдага тушганида меъда-ичак йўли девори орқали ҳам осон сўрилади.

йингина унда ўлимга олиб борадиган талваса ҳолати бошланиши мумкин. Иккинчидан, одам никотин захари-га тез ўрганиб қолади. Бундан ташқари, никотин буйраклар орқали (сийдик билан) организмдан тез-тез чиқариб турилади.

Бир вақтлар қуйидагича тажриба қилиб кўрилган: чекадиган одам баданига бир нечта зулук қўйилган, сийдиги эса сичқонларга ичирилган. Эрталаб бу одам ҳали чекмаган вақтда ҳайвонларга айтарили ҳеч нарса бўлмаган. Бироқ, у биринчи

бадан терисининг оқариб кетиши, одам бўшашиб, боши айланиши, мудроқ босиши захарланиш аломатларига киради. Бунга қўшимча қилиб қўрқув ҳисси, бош оғриги пайдо бўлишини, қулоқлар шанғиллаб, томир урушининг тезлашини ва организм фаолиятида бошқа ўзгаришлар содир бўлишини айтиб ўтиш керак.

Организмга катта дозада никотин киришидан нобуд бўлган ёшлар ҳам йўқ эмас. Масалан, Францияда ёшлар тамакига ким қанча чидаши бўйича мусобақа ўтказишган. Бошқаларга қараганда кўпроқ тамаки чеккан йигит махсус мукофот олиши керак бўлган. Бироқ «ғолиб» бунга муяссар бўлолмай 60 та сиварета чекишдан кейин ўлган. Даврадаги бошқа тенгдошлари оғир ҳолатда госпиталга жўнатишган.

Шундай қилиб, чекасизми ёки соғ-саломат бўласизми — бирини танланг.

ТАМАКИ АМАКИ

Саволларимизни яна қайтарамиз. Болалар, ахир сўсташлик қилманг. Биз билан мулоқотга киришинг.

1. НЕЧА ЕШДАН ЧЕКА БОШЛАГАНСИЗ?
2. ЧЕКИШИНГИЗГА КИМ ЕКИ НИМА САБАБЧИ БЎЛГАН?

3. ЎҚИТУВЧИНГИЗ ЕКИ ОТА-ОНАНГИЗ БУ ҲАҚДА БИЛИШАДИМИ?

4. ЧЕКИШНИ ТАШЛАШНИ ИСТАИСИЗМИ?

5. ҲОЗИРГИ ТАҚЧИЛ ПАЙТДА СИГАРЕТАНИ ҚАЕРДАН СОТИБ ОЛИВ, УНГА ПУЛНИ ҚАЕРДАН ОЛАСИЗ?

Мактубларингизни кутамиз.

Никотиннинг организмга таъсири

Тамакининг асосий таъсир этувчи моддаси никотиндир. Бу алколоидни 1825 йили Посельт ва Рейман деган олимлар биринчи марта тоза ҳолда ажратиш олишган. Тамаки баргларида, одатда бир фойздан бир ярим фойзгача никотин бўлади, лекин баъзи навларида унинг миқдори 6—8 фойзгача етади. Мас-саси 1 грамм келадиган битта сигаретда, одатда, 10—15 мг, 10 грамм келадиганда эса 150 мг гача никотин бўлади.

Никотин асосан нерв системасига, овқат ҳазм бўлишига, шунингдек, нафас ва юрак-томирлар системасига таъсир қилади. Ҳаддан ташқари кучли захардир.

Хўш, никотин қандай қи-

Кўпинча, бир томчи никотин отни ўлдиради, дейишади. Ҳақиқатан ҳам ҳайвон ўлиши учун никотиннинг жуда кичик дозаси кифоя. Аниқ қилиб айтганда, бир томчи тоза никотин ҳар бирининг вазни ярим тоннача келадиган учта отни ўлдиришга етади. Никотин захарининг ҳақиқий кучи ана шундай. Хўш, нима сабабдан мудом сигарета чекиш жараёнида одам жуда катта дозадаги никотинга бардош беради? Биринчидан, шунинг учунки алоҳида олинган ҳар бир сигаретадаги никотин дозаси ўлдирадиган дозадан анча кичик бўлади ва одам бир нечта сигаретани устма-уст чекканидан ке-

сигаретани чекиб олган заҳоти зулуклар тиришиб тушиб кетган, сийдик ичган сичқонлар эса кучли қўзғолиш ҳолатига тушиб қолган.

Никотиндан захарланиш қандай намоён бўлади? Сўлак оқиши, кўнгил айнаши,

Аббоснинг «Мен чекишни ташламоқчиман» (15 январь сони) деб ёзган мактубидан сўнг жиззахлик Шухрат исмли боладан хат олди. У олдинги сафар болаларга мурожаат этиб берган саволларимизга қуйидагича жавоб ёзибди:

1. Уйда отам, акам чекади. Мен эса 10 ёшимдан бери чекам.

2. Уларга ва синфдош ўртоқларимга ҳавас қилиб ўрганганман.

3. Ўқитувчимиз бир кун и чекаётганимда ушлаб олган ва ота-онамга чаққан. Кейин нима бўлганини ўзингиз тушунасиз...

4. Чекишни жон-жон деб ташлашни истайман.

5. Ҳозир сигарета, айтганингиздай, жуда қиммат, магазинда ҳам йўқ. Лекин бир бало қилиб топиб чекам. Энди бари-бир ташласам керак.

ЖАҲОН АДАБИЕТИ ХАЗИНАСИДАН

— Мен унинг ақиллашига ҳалал бермадим, — деди мистер Кейси. — Ҳаво жуда совуқ эди, бадани жиндай қиздирар деб (мени бегойим кечирсинлар), тилимнинг таги-га денгиз тамакисидан не миқдор ташлаб олганман, турган гап, даҳанимни очолмайман, чунки оғзим тамаки шарбатига тўла.

— Хўш, кейин сиз нима қилдингиз, Жон?

— Нима қилардим? — деди мистер Кейси. — Қарасам кампир ўзининг тиришган жирканч тумшугини нақ иягимга тираб келаяпти, менинг оғзим эса лиқ тўла тамаки шарбати. Шунда мен бироз у томонга энгашдим-да, мана шундай: «Тфу!» дедим.

У юзини четга буриб қандай қилганини кўрсатди.

— Тфу! Тўппа-тўғри унинг кўзига тупурдим.

У қўли билан кўзларини бекитиб, худди жони чиқаётган одамдай, чинқириб юборди:

— «Вой, Исохи Масих, Биби Марям, Юсуф! — деб аюҳаннос соларди у. — Вой-дод, кўр бўлиб қолдим, дод ўламан!»

У хириллаб, кулгудан ва йўталдан ўзини тўтатолмай, бўғилиб такрорлади:

— Кўр бўлиб қолди, кўр!

Мистер Дедалус гавдасини орқага ташлаб, қаҳ-қаҳ отиб кулди. Дэнтининг юзи қаҳрли тус олди, ўтирганлар хохлашиб кулишаркан, у тинмай бир гапни такрорларди:

— Яхши, жуда яхши, жуда соз бўлибди!

Аёл кишининг юзига тупуриш яхшимас.

Уша кампир Китти О.Шини қандай сўз билан ҳақорат қилди, уни мистер Кейси ҳатто тилга олишга ҳам ҳазар қилдими? Стивен кўз олдига келтирди: мистер Кейси арава-нинг устида, тик туриб нутқ ирод қилаётди. Шунинг учун ҳам у турмада ўтириб чиқди-да. У яна эслади: бир кунни уйларига сержант О. Нил келди сержант даҳлизда отаси билан шивирлаб гаплашди, орасира бошидаги темир қалпоғининг чарм бандини асабий тишлаб қўйди. Уша оқшом мистер Кейси одатдагидай Дублинга поездда жўнамади, уйлари олдига арава келди ва Стивен отасининг Кэбинтили орқали ўтадиган йўл ҳақида гапирганини эшитди.

У ҳам отасидай Ирландияни, Парнелли ёқлар эди. Дэнти ҳам шундай фикрда, чунки бир куни сайргоҳда оркестр куй чалиб турган маҳал Дэнти бир жанобнинг бошига шамсия билан тушириб қолган эди: сабаби, куй охирида «Худоё, қироличани ўзинг асра!» деб номланган мақом ижро этилаётганда ўша жаноб бошидан шляпасини ечган.

Мистер Дедалус нафратга тўлиб пишқирди.

— Ҳа, Жон, — деди у. — Улар шунга муносиб. Биз бахтиқаролар поплар қўли остида эзилган халқимиз. Доим шундай бўлиб келган ва охиригача шундай бўлиб қолади. Чарлз тоға бош чайқаб деди:

Бошланиши ўтган сонларда.

— Ҳа, аҳволимиз чатоқ, аҳволимиз чатоқ!

Мистер Дедалус такрор айтди:

— Попларнинг қўл остида эзилган, худонинг марҳаматидан бенасиб халқ!

У ўнг томонда бобосининг деворга осилган суратга ишора қилди.

— Жон, мана бу чолни кўр-япсизми? — деди у. — Ҳалол ирланд. Унинг даврида одамлар фақат пул учун яшаман. У ўлим жазосига маҳкум этилган Оқ Болаларнинг бири эди. Минг олти юзу олтиминчи йили унга оқ кўзғолончи сифатида ўлим ҳукми эълон қилинган. У қадрдонларимиз — руҳонийлар ҳақида гапиришни жа ёқ-

Мистер Дедалус қаҳр билан кулди.

— У, худойим, — дея ҳайқирди у, — мен қария Пол Каллиниб унутиб қўяёзиман-ку. Мана, тангримнинг яна бир кўз қорачиги.

Дэнти стол оша мистер Кейсига қараб қичқирди:

— Жуда тўғри, жудаям тўғри! Улар ҳамиша ҳақ йўлини туттишган! Худо, ахлоқ ва дин ҳамма нарсадан устун!

Миссис Дедалус унинг ғазабланганини кўриб деди:

— Миссис Райорден, ўзингизни асранг, уларга жавоб бериб ўтирманг.

— Худо ва дин — ҳаммасидан устун! — қичқирди Дэнти. — Худо ва дин ер юзидаги ҳамма мавжудотдан

Жеймс ЖОИС



УРИСЧАДАН А. ОТАБОВ таржимаси.

РУМОНДАН ПАРЧА

тирарди ва ўзим ўтирган дастурхон тевадига ҳеч қачон уларни йўлатмайман, дерди.

Дэнти чидаб туролмади. — Биз шукр қилишимиз керак, ахир, бизга руҳонийлар бош бўлиб турибди. Улар — яратганининг кўз қорачиги. Сизга тош отган кимса оллоҳнинг кўз қорачигига тош отган бўлади.

— Бундан чиқдики, бизнинг ўз ватанимизни севишга ҳақимиз йўқ экан-да? — сўради мистер Кейси. — Халқини эргаштиришга қодир инсонга эргашиб ҳам таъқиқланганми?

— Ватан хоини, — бақирди Дэнти. — Хоин, бевафо эр! Черковимиз раҳнамолари ундан юз ўгириб жуда тўғри қилишди. Улар ҳамма вақт Ирландияга ҳақиқий дўст бўлишган.

— Шунга сиз ишонасизми? — деди мистер Кейси.

У мушти билан столни урди ва қошларини кериб, бармоқларини аста-секин битта-битта ёзди.

— Уния2 даврида епископ Лэнглен марказ Корнуоллис-га3 фуқароликни байъат қилганда ирланд епископлари бизни сотмаганмиди? Епископлар ва поплар минг саккиз юзу йигирма бешинчи йили ўз мамлакатининг келажакини католик динининг эрки учун қурбон қилмаганмиди? Минбару меҳроблардан туриб фениан ҳаракатини бадном қилганлари-чи? Теренс Белью Макмэнус4 ҳоқини таҳқирлаганлари-чи?

Кейсининг юзи ғазабдан лавуларди, Стивен айтилган гап-сўзлардан, эхтирос оловидан унинг ёноқлари чўғдай қизариб кетганини сезд.

устун, юксак!

Мистер Кейси маҳкам сиқилган муштининг кўтариб, зарб билан столга урди.

— Бўпти, яхши, — бўғилиб қичқирди у, — агар шунақа бўладиган бўлса, бас! Ирландияга худонинг кераги йўқ!

— Жон, Жон! — мистер Дедалус бақириб, меҳмоннинг енгига ёпишди.

Дэнти даҳшатга тушиб, унга тикилганча қотиб қолди: унинг ёноқлари пириллаб уча бошлади. Мистер Кейси столни зарб билан сурди-да стол устига эгилиб, худди пашшани қуваётгандай қўлини кўзлари олдида асабий сермай бошлади.

— Ирландияга худонинг кераги йўқ! — бақирди у. — У Ирландияда жуда кўп турди. Бас, жонимизга тегди! Йўқолсин худо!

— Кофир! Шайтон! — чийиллаганча ўрнидан сакраб

турди Дэнти ва сал бўлмаса унинг юзига тупираёзди.

Чарлз тоға билан мистер Дедалус мистер Кейсини жойига ўтиргизиб, тинчлантиришга ўринишди. У нафратдан чакнаб турган қорамтир кўзларини бир нуқтага қадаб, тинмай бақирарди:

— Йўқолсин худо, даф бўлсин!

Дэнти илкис қўзғалиб, стулни четга суриб, столдан нари кетди, стол устидаги қўл-сочиклар солинган идиш ерга қулаб гиламининг устида юмалаб оромкурсининг оёғига бориб урилиб тўхтади. Миссис Дедалус ўрнидан чаққон туриб, унинг ортидан эшикка югурди.

— Дўзахилар! Биз ғалаба қилдик! Биз уни ўлимга маҳкум этдик! Иблис!

Эшик шарақлаб ёпилди.

Мистер Кейси ушлаб турганларни итариб юборди ва манглайини столга уриб, хўнграб йиғлаб юборди.

— Бадбахт Парнелл! — бор овози билан фарёд чекди у. — Эссиз, ҳалок бўлган қиролимиз!

У бўзлаб, фарёд чекиб йиғларди.

Кўркувдан докадай оқариб кетган Стивен бошини кўтариб қаради, отасининг кўзлари жикқа ёш эди.

Ҳар жой, ҳар жойда тўп-тўп бўлиб турган болалар гурунглашарди. Биттаси айтди:

— Уларни Лайенс-Хилл яқинида ушлаб олишибди.

— Ким ушлабди?

— Мистер Глисон билан руҳоний. Улар аравада кетишадиган экан.

У тагин қўшиб қўйди:

— Менга бунга юқори синфдаги бир бола айтди.

Флеминг сўради:

— Нега қочибди улар?

— Негагини мен биламан, — деди Сесил Сандер. — Улар ректорнинг хонасидан пул ўмаришган.

— Ким ўғирлаган?

— Кикемнинг акаси. Кейин улар бўлиб олишган.

— Жуда билагонсан-да, Сандер! — деди Уэллс. — Уларнинг нега қўён бўлганини мен биламан.

— Хўш, айт-чи, нега?

— Айтма деб илтимос қилишган менга, — деди Уэллс.

— Айтқол, — чувиллашди болалар. — Кўрқма, биз сени сотмаймиз.

Давоми бор.

ШОИРЛАР — БОЛАЛАРГА



Обид РАСУЛ

Семиз қурт ва чумоли

— Дарахт илдизларин кемириб,

Яшагин-да мендай семириб.

— Текин томоқ бил, бузиб қонинг,

Чипқон бўлиб тешар ўпқонинг.



Суюнчиқлар

Омон бўлсин суюнчиқлар,

«Олим»ликни ёқладим.

Бундан кейин халқ ишончин

Қандай қилиб оқладим?

Илон ва типратикон

Ойдин бир тунда
Мақтончоқ илон.
Типратиконга
Гап отди подон.

— Бошим айланар,
Қорним жуда оч.
Жаҳолат қайнар
Топгин бир илож.

Йўқса кўр қилиб
Икки кўзингни
Терингни шилиб
Ейман ўзингни.

— Билдим илон шох
Фейлинг ўзгарган.
Менда не гуноҳ
Рангинг бўзарган.


Юмшоқ гўштим бор
Майли тотиб кўр.
Сен йиртқич маккор
Айёр текинхўр.

Кескин жавобдан
Ташланиб илон.
Учраб ханжарга
Таслим қилди жон.



Софиядаги янги «Овча кўпел» — 2-микрорайон бўлган 5 йилча аввал қуриб босилган эди. Бугунги кунга келиб бу ерда лойхалаштирилган кўпгина биноларни кўриш мумкин. Уй-жой бинолари, мактаблар, болалар боғчалари, поликлиникалар, ер ости ўтиш йўллари, гаражлар... Қисқаси, аҳоли учун ҳам-ма қўлайликлар мавжуд.

СУРАТДА: янги кўчиб келганларнинг фарзандлари танишиш моқда.



ЎЗБЕКИСТОН ЁШЛАР ИТТИФОҚИ
МАРКАЗИЙ ҚУМИТАСИ.

Бизнинг манзилгоҳимиз: ТОШКЕНТ ШАҲРИ.
ЛЕНИНГРАД КҲАСИ, 32-УЙ.

Маълумот учун телефон: 32-54-21

Бош муҳаррир: Ақром БЕРДИМУРОВО.

Таҳрир ҳайъати: В. ФАЙЗУЛЛАЕВ, Т. ЭШБОВ (бош муҳаррир ўринбосари), А. КУЧИМОВ, А. РАҲИМБЕРДИЕВА, Т. КАРИМОВ, М. ПИРМАТОВ (масъул котиб).

Таъсис этувчи:

ЎЗБЕКИСТОН РЕСПУБЛИКАСИ «ШАРҚ» НАШРИЁТ-МАТЕБААЧИЛИК КОНЦЕРНИНИНГ БОСМАХОНАСИ.
Тошкент шаҳри. 700033, Ленинград кўчаси, 32-уй.
Чоп этиш вақти — 18.00.

РУЗНОМА ҲАФТАНИНГ ЧОРШАНБА ВА ШАНБА КУНЛАРИ ЧИҚАДИ.

Рўзнома 346700 нусхада чоп этилди.

1 2 3 4 5 6 7 8 9 10